

漢

陰

縣

志

漢陰廳志卷之十

通判錢鶴年重修

藝文志下詩

登安陽城樓

唐孟浩然


縣城北面漢江流江嶂開成南雍州才子乘春來騁  
望諸公暇日坐消憂樓臺曉映青山郭羅綺晴嬌綠  
水洲向夕波搖明月動更疑神女弄珠遊

安陽城

方干

卷箔雲峯暮蕭條未掩關江流嶠冢雨帆入漢陰山





否抱甕區區亦未貧

和

王安石

賜也能言未識真誤將心許漢陰人  
桔槔俯仰何妨事抱甕區區老此身

宋葉夢得石林詩話舊中書廳壁間有晏元憲公  
詠上竿伎詩云云當時固必有謂文潞公在樞府  
嘗一日過中書與荆公行至題下特遲留誦詩久  
之亦非無意也荆公他日復題一篇於詩後云云  
按石林謂潞公非無意者諷新法也荆公作翻案



落葉欹眠後孤燈倚望閒此情偏耐醉難遣酒樽閒

登擂鼓臺

呂仙

臺名擂鼓與天齊四顧羣山座座低隔斷往來南北  
雁只畱日月過東西

渡漢江

綠紅離離滿江頭雲物山川一望收自古終南名勝  
地蓬萊客向此中遊

詠上竿伎感抱甕丈人

宋晏殊

百尺竿頭裊裊身足騰跟挂駭旁人漢陰有叟君知

漢陰感抱甕漫成

傅振商

御史

抱甕羞機事樸心托古瓦  
桔槔蘊深機喜抱不輕捨  
誰知眾任機孤甕名可假  
拙入自巧出白馬寧非馬  
卽如所抱甕元氣能陶冶  
天地出入機混沌全傾瀉  
無機世網墮狂獠淪荒野  
正用足網維真鰲奇含雅  
我欲扣元關誰是忘機者

露中望鳳凰山

無人抱甕水潺湲  
吟漱猶教機事閒  
數載遊仙饒有興  
夢中行盡鳳凰山



語和之其倔彊自任之情畢見矣二詩皆非真爲  
丈人詠但舊志以介甫詩爲倚樓詩因附此正之

雙乳卽事三首

明提學副使 龔守愚

簇簇秧針出水齊故園風景更芳菲  
漢江舟楫通彭蠡試聽枝頭杜宇啼

高柳風清乳燕飛客途猶未換春衣  
勞勞二紀成何事閑殺蕭灘舊釣磯

久客頻看隔歲書越禽代馬意何如  
郵亭一枕還家夢又被蛙聲強破除

萬山秋色掩斜陽雨氣遙扶苓苻香絕壑亂流爭漱  
玉可能寫意向河湟

漢陰東月河觀運水筒車

陳 棐

筒車之制用竹二丈四尺者二十四根中橫木軸  
以竹爲輻分軸兩肩穿入而交其末爲輪狀每二  
竹末縛一竹筒每筒後加一竹筴乃豎木安此車  
於引水急流渠上下邊插入水面水激竹筴則車  
自轉動車上邊筒旁高架木槽接水入田間每一  
車灌田一頃不煩人力可奪天巧此制不見於他



吟望蒼屏帶古松夕煙霞影掛飛龍鳥聲遙喚遊人  
騎欲題撐霄第一峯

回經漢陰對雨

蕭蕭急雨過江城空館陰森旅坐清鳳嶺雲歸峯影  
暮月河浪捲練光明  
忘機欲學丈人隱叱馭愁虛入使名笑接中雷頻漱  
滌隨車且莫妬孤征

急雨侵堦客興磨渡頭流水坐求多飄衣看取隨風  
點何似當年甕裏波



駐節咏懷

李天麟分守

默坐公堂隱几眠此中脈脈湛甘泉遙知今世同前  
世堪嘆當年虛度年民隱未安殊切切聖胎初結頗  
拳拳何時跳出乾坤外大地山河冷眼看

宿雙乳

張光宇都司

鄉夢驚回遠寺鐘曉星三五漢江峯角聲吹落山頭  
月酒力衝開陌上風長劍定知酉賊破捷書先爲故  
人通况今

聖主真湯武正許元戎策上功



而見於漢陰其子貢之遺智耶使丈人見之尤必  
忿然而去也因書一絕

桔槔允用人施力賢者已防機巧多抱甕丈人若見  
此今時比昔更何如

漢陰郭門榜曰丈人抱甕之鄉因爲有道

李學禮

厭見干戈未息機生涯拙守蔬初肥惟知心上無多  
事不道山間有少微史落郭門存往牒名畱雲物帶  
餘輝漢風但使波民遠井邑由人問是非

朝陽洞 一首

章 平  
寧道人

黃梅收盡千山雨，綠野齊開萬樹花。  
報道客從天上至，鷓鴣不住喚袈裟。

萬紫千紅各有春，懸崖峭壁豈無人。  
我來一眺尤奇絕，不着寰中半點塵。

冬日攜侯尹山行

張啟蒙

平波世路幾多秋，猶恨崎嶇債未酬。  
森叢疑是雲中影，湛濺渾從天上流。  
當年豺虎知何在，夕日牛羊也自休。  
故人攜手參禪處，應比天台作阮劉。



庚午秋予提兵南征曾一夕營鳳凰山下今謝  
兵復行有感

李崑

亂雲交處碧崢嶸曾記南征此處兵石磴虬蟠天際  
迴鐵衣魚貫日邊明頻慙橫槊非能事却信忘機是  
故情此日重經生感慨夕陽飛鴈綠蕪草

書雙乳舖

康總兵

將軍又復度秦關舊跡行題取次刪殘臘敝裘猶戀  
客斜陽茅屋正啣山路催戰馬穿蹄苦寒逼征夫墮  
淚艱此去勦平餘惡少大家旗鼓襍歌還

禮晉我青精飯一杯

冬日遊棲雲寺

攜杖登山禮釋迦老僧  
煨榾煮茗茶耽幽自是忘歸  
去趺跏蒲團講法華

觀水車有感

鑿木爲棹豈謂過丈者猶嫌機械多  
若是水車當日見不知痛惡又如何

遊三清觀

郭曰珍

爲遊仙觀遠婆娑舉目青山盡  
結螺偶動天機同舞



丈茶公出遊老君關

卽三聖觀

李宸東

東魯斯文道涉巔兩家誰敢與爭先  
清虛老氏猶知禮寂滅如來似失傳  
三教偏全分次序五倫明晦定班聯  
臨題却恨爲圖考致使諸公坐不安

遊三清觀

張大綸

策馬登登日欲斜萬山深處隱仙家  
柴門自有雲來鎖流水從他泛落花

遊乘鶴觀

蔡鳳

兀坐茅齋悶鬱懷偶尋仙觀步崔嵬  
黃冠道士能爲

雨寒崖壁立亂流泉迢迢嶮路連霄漢片片明霞鎖  
洞天願竭微勞圖補報君恩如海浩無邊

宿觀音堂

山窖深中方外家柴門靜掩閱年華數椽茅屋雲常  
護一曲清溪石半遮風過花香飄丈室龍來雨脚遍  
天涯只畱宿信何妨久最喜恩波及黍麻

宿蒲溪鋪

晚止蒲溪鋪心清地更清水隨山澗轉雲逐野煙生  
花落餘香在風搖宿鳥驚夜深渾不寐起踏月華明



劍欲抄帛卷換籠鷲

遊灌臺

戀彼煙霞在此棲林泉空自講忘機當時倘記君臣  
義抱甕何如運甕輝

遊歸真觀

如邦豸

特扣元關訪道真道真何處避紅塵上元想是朝天  
去猶似逍遙下紫宸

重遊三清觀

循行偶道三清觀風景依稀似昔年古樹雲封常帶

梵宇晨鐘

水滴蓮花催刻漏  
梵王宮裏吼蒲牢  
孤雲天際星初隱  
五夜樓頭月尚高  
隱隱隨風來里巷  
聲聲催日出江皋  
幾回驚起孤臣夢  
直欲趨朝擁敝袍

雲門瑞蓮

雲門無種產嘉蓮  
過客爭誇分外鮮  
祥瑞偶生香散遠  
太華清致盛如前  
朱顏猶醉凌波美  
翠葉呈姿捧月娟  
想是休徵應有兆  
明時好景樂豐年

竹院清風



古八景

月河環帶

一灣流水曉涵天景物無邊滿望前抱綠遶原還屈  
曲拖藍過縣每潺湲萬年沮洳流膏澤九夏清甘潤  
稻田兩岸柳陰通里巷不妨夜捍剡溪船

片宮夜讀

鐘鼓樓頭刻漏傳  
唔子夜尚忘眠姓名直欲金甌  
覆經史先磨鐵硯穿  
燈火十年勤課誦雲霄萬里快  
騰翻泥金報捷登科喜不負雙親孝子賢

卉蟠結文章異眾芳功比丹砂能辟穀名齊麟鳳表  
微祥小臣職在承流末願沛皇恩到下方

雲門漫興

前人

落日平沙暮色連郵亭坐久興悠然臘前共喜占三  
白任後俄驚又一年面面好山森古木潺潺流水帶  
寒煙明時未有涓埃報空羨當年卓魯賢

竹院生雙竹

彭昇

鳳岳精英此地鍾故生雙竹顯奇踪兩竿共擡虛衷  
度一樣同操直節風傲雪可班和靖並逢晴還匹大



深院簷簷護短牆  
箇中風景異尋常  
幽閒不羨黃金屋  
清致何殊白玉堂  
九夏軒前無酷暑  
四時坐下有清涼  
致身喜際唐虞世  
詩咏南風阜物章

漢江古渡

漢洋江上水悠悠  
清景名爲古渡頭  
瑞日融和香蓼岸  
薰風淡蕩拂蘭舟  
波心掉舉驚遊鯉  
沙際人歌起對鷗  
遠近往來咸濟渡  
謾誇傳召在商周

琴堂產靈芝

張大綸

聖主仁慈配彼蒼  
靈芝特產漢中堂  
包含和氣非凡

書雙乳鋪

無名氏

五載方回萬里身豈知焦夢亦非真  
山中得去且歸去林下無人今有人

十三年冬月

漢中刑廳劉公察盤事竣登城眺望  
邑治煥然維新喜賦一律書之張公  
思思軒中志美也亦志勗也紳衿  
見之次韻奉和得若干首備錄於後

司劉光彩

恢復封疆孰與儔勞心竭力運奇謀  
殘黎歸市今成



卷之十  
夫松若得壺公經異點雙飛化作葛坡龍

過紅崖古道

郭曰珍

誰把山崖染作丹如屏似帳峙溪邊高僧鑿洞煙霞  
古太守遺碑絹色篇迴環玉帶通三楚飛瀑銀河落  
九天相攜緩步雲衢出疑是天台採藥還

遊漱月山旁

李宸東

誅草爲堂向潤池天光霞影四時奇閉戶主人當玩  
易窺簾野鶴自忘機南陽故宅風雲聚此地才名字  
宙知况值朝廷方渴士豈容瀟散臥汪湄

吟謳峴山遙望吾鄉國蚤負輕舟溯漢流

解三秦

純白懿踪孰與儔征車暫駐叩心謀鳳齋翠列景長  
在月水滌環度幾秋欣睹循良新土宇咸抒撲魯效  
權謳從今遞咏勤芳德世世恩波同漢流

陳光啟

闢地開天孰與儔櫛風沐雨殫心謀四民繇散還安  
集萬畝從荒得稔秋城雉巍然增舊槩輿情咸苦動  
新謳皇華採訪疏宸聽帶礪河山有雋流



邑荒土逢年再報秋保障一方新氣象薰陶四境舊  
歌謳功垂社稷真難擬月水龍岡共峙流

王位

命世宏才無與儔咸知朝夕效忠謀環城制挺人人  
壯遍野督耕歲歲秋琴韻悠揚諧古調輿情祝誦變  
今謳漁陽德政從來樂笑取綸竿釣漢流

殷逢世

聞說賢侯無與儔安陽實政盡人謀殘城恢復千年  
業荒土耕開萬畝秋心版刻銘思德化口碑傳播聽

再造乾坤罕埒儔龔黃此日顯神謀城垣舊圮新甌  
固隴畝昔荒今有秋桃李頻霑真雨露桑麻時教勤  
歌謳封疆全仗開天手風與山高水共流

王懷民

經濟幹旋莫與儔拮据恢復殫心謀城垣再理金湯  
壯荒土重開豐稔秋招撫流離鴻雁集聲名召杜芾  
崇謳中天雨露今仍見千古淵源同漢流

王宏緒

緯地經天世罕儔心神互殫運宏謀四城繕治增新



王應泰

抱甕高風世罕儔  
停車相問實相謀  
龍蟠漢水雲方雨  
豹隱秦山春復秋  
幸有賢明恢舊色  
可容愚拙效新謳  
攜兒再話任常事  
佇望深仁似水流

郭之禧

循卓聲名莫與儔  
三年拮据運淵謀  
人心鼓舞農爲本  
天意栽培歲有秋  
攝篆長才垂築鑿  
彈琴餘韻繼吟謳  
巡方錄異陳丹陛  
願說賢侯德政流

興安訓導薛長春

吟謳封疆全仗開天手千載芳名水共流

于文選

再造封疆孰是儔經綸草昧聽權謀謾言殘喘嗟無  
孺且喜荒田告有秋樽俎雍雍堪過亂宮商颯颯任  
行謳萬民祝頌傳千古沛澤應同漢水流

魏希徵

綜理封疆罕與儔勞心勞力運淵謀掃除瓦礫興新  
業拔取蒿萊報歲秋偉烈真堪垂帶礪深仁久已遍  
吟謳循良召杜今仍見千古芳名共漢流



麗千畝耕耘闢有秋異政堪齊龔遂美湛思還繼鄭  
僑謳楓宸課最循良績咫尺臺垣第一流

王應宿

昭代循良孰與儔安陽治績有忠謀封疆鼎建年年  
盛人物咸亨歲歲秋久斷紛絲裁錦緒更調化瑟引  
堦謳方今聖主求賢急佇見仙帆從漢流

藍守正

昭代循良罕埒儔龔黃此日運神謀城垣舊圯新甌  
固隴畝前荒近有秋胼胝先勞心力盡經營懽唱教

獨理殘疆無與儔  
片腔熱血運忠謀  
直披荊棘先爲  
帥曲省耘犁既有秋  
離散甫歸棲舊址  
太平初兆咏  
新謳當途自是扶公道  
課最應推第一流

曾大受

創始經營幾與儔  
夙興夜寐有成謀  
登陴防禦羣心  
固履畝巡行數載秋  
野處流民修舊業  
城頭邏卒唱  
新謳  
楓宸課最循良事  
共指安陽第一流

曾大受

經濟匡時無並儔  
五年總爲一同謀  
福星炳耀餘暉



汪顯圖

復奠新疆莫與儔心神渾是一同謀城垣鞏固皆無敵閭里豐登慶有秋奮武揆文頻憲令黃童白叟遍吟謳三年德政真堪頌共說安陽是雋流

王應鼎

經濟長才幾並儔嘔心恢復得全謀四城再造維垣固萬畝重開遍地秋媲美中年三異政追踪江漢二南謳從來燕趙多豪傑願播芳名在上流

劉有瑜

吟謳而今愈勉馳驅力江海從來納細流

眞護

現世宰官無與儔挽回厄運抒嘉謀福田千頃頻成  
歲淨土十雙亦報秋立碣籠紗傳德化敲鐘翻貝代  
吟謳皇圖永固中興業願祝恩波萬古流

職覽前韻不覺痛腸蓋親履之艱件件皆傷心事  
也感懷一首以步後塵

張鵬翺

自揣庸愚無可儔書生安得有奇謀三年碌碌渾忘  
苦兩鬢蕭蕭蚤望秋到處猶然多凍餒逢人那見盡



麗化日舒長寸草秋畏壘細民思俎豆武城小子繼  
歌謳芝蘭玉樹階前秀絃誦西齊接勝流

宋棟

屈指龔黃堪並儔仰承德政効同謀口碑載道烘如  
日肺石稱平肅似秋百度維新扶社稷三年卓異起  
吟謳安陽保障從今復漢水澄波世世流

婁田忠

名世壯猷無幾儔奠安宗社有成謀千年保障勞心  
著百里田疇盈眸秋入幕時時遵表帥登陴夜夜聽

去黃鶴樓前話短長

將巡河西宿漢陰有感

斷壁頽垣月在山  
可憐人去玉門關  
封侯爲憶班司馬  
月白清和山自閒

朝陽古洞

誰將瓊屑砌高岡  
萬丈依稀剪繡裳  
竹葉臨風迎日曉  
松花隱霧接天光  
江山競麗知春暖  
鳥雀爭喧覺晝長  
讀罷卷阿思鳳德  
梧桐生處是朝陽

湯邑侯去思吟

魏希徵



吟謳拊膺細數從前事垂首無言只淚流  
職兒於歲杪抵任亦和一首聊附於末

張純素

草昧重開無與儔心神費盡不餘謀時時惕厲曾無  
倦歲歲豐登報有秋聊別故園親定省也將新句附  
吟謳吾翁保障傳千古恢復封疆第一流

國朝

漢陰憶熊鍾陵太史

巡茶御史姜圖南

楚水秦山沂漢陽晴川歷歷惱人腸乘風欲逐江濤

城隅清玩

劉瑞星

何處煙蘿引興長  
青郊一曲水雲鄉  
密將平楚藏嬌  
語漫綰疎籬透曉妝  
萬點蒼岩生睥睨  
一林好月下  
滄浪天然物色饒  
堪賞沂水歌殘蒲袂香

乘鶴觀

前人

一自丹成騎鶴去  
春風瑤草不知年  
舊時宮殿皆塵土  
惟有孤松生暮煙

作令難

豫章 陳翰廷

戈馬中間作令難  
謀民何事可從寬  
不知誰做催官



聞說循良重如公始不羣清風光霽月紅日照浮雲  
深谷鳴雞犬荒城孰耜耘只緣彤陛遠遺愛有詩文

朝陽洞

丁鑿知何歲凭高更有樓溪深潮自落嵐遠曙長留  
仙境虹橋峻禪關鹿洞幽爲尋高士跡遙擬步丹邱  
詠懷

春雨濛濛草滿除春風吾自愛吾廬高情喜頌閒居  
德老眼能抄種樹書金馬昔年貧曼倩文園今日病  
相如焚香燕坐心如許一任門多長者車

丹壁孤懸

前人

偶步平堤望遠松回看日色映丹從溪中春水映無  
碧嶺外桃花未覺紅四野卿雲遮赤壁一輪明月照  
孤峯青山一帶多奇景惟有丹崖色倍濃

月水環珠

前人

抱城曲曲向東流漱灩珠璣一色秋幾斛夜光傾水  
部片輪冰鑑入芳洲奇峯列笏涵霄碧翠帶如環到  
枕幽歷盡寒暄機不息須知天地亦浮漚

隱士高踪

前人

卷之十一  
六  
檄不及窮簷饑與寒

鼓臺仙跡

趙世震

山深寂寂炊煙少寺遠聲聲動暮鐘  
疊霧層巒藏古跡千仞萬壑列仙踪  
空將石鼓敲明月永設高臺聚晚風  
當日仙人畱異景至今遺跡伴雲峯

鶴觀碁枰

前人

萬山煙霧碧盈盈幾處奇觀雲外生  
枰設峯頭迎月色棋敲松下聽溪聲  
臨泉對着忘愁思倚石聯吟樂性情  
仙景飄然何處去今朝野鶴守空枰



合銀濤長共白雲飛驚殘古柏迎風瘦剪就輕螺帶  
雨肥半榻漫嫌官舍冷開軒晝永坐忘機

丹壁孤懸

前人

飛來赤壁是何年點點朱霞返照邊獨力豈知新歲  
月高騫不改舊山川白雲懶向峯頭卧紅日偏宜洞  
口還孤掌無心千古峙滄桑幾變尚巍然

漢署坐月

吟餘又見月光浮雲卧茅齋靜不流一樹梅花同夢  
冷飛來香雪上簾鉤

從來高士畏芳名  
寂處深山任自行  
隨地栽花藏素志  
倚欄咏月隱幽情  
推窗但見煙雲渺  
就榻猶聞鳥雀聲  
雖是丈人成古土  
至今遺跡見生平

送白廣文之樂城送考

前人

桃花浪暖暫分襟  
領袖羣英半入吟  
攜得詩瓢香滿座  
敲殘松韻碧千尋  
猿因客到晨啼月  
鶴爲君行夜聽琴  
匹馬觀成多逸致  
江山魚鳥盡知音

鳳山疊翠

蘭亭陳典

凭闌鳳翥燦朝輝  
極目山光繞翠微  
碧嶂遙分青黛色

潤露接金莖氣共清天地資生原有象兒童躑躅亦  
知名看來帶水襟河意不是朝雲暮雨情

卧龍盤護

前人

彈丸阿護自年年數里平岡百雉堅恰似飛蛟蟠雨  
後殊勝蹲虎嘯風前珠明不惜山光暗日照還看頭  
角鮮偃息茅廬人卧月呼雲伴榻共盤旋

鼓臺仙跡

前人

仙鼓撾殘萬籟清臺前花雨度虛聲松濤冷灶寒泉  
咽雪色迴廊野鶴鳴風吼猶疑畱劍在雲飛恍值煮



題汪孔瀾山房

萬壑寒濤一徑斜  
秋雲幾片逐飛霞  
先生種得淵明菊  
晝掩柴扉數落花

鳳山疊翠

白爾珍

層巖蒼翠聳千尋  
幾度青鸞入夢深  
風裏八音鳴石澗  
谷中羣鳥舞松岑  
日懸碧岫桐華盛  
露滴崇岡竹實陰  
綠滿天南誰極目  
吹簫羽客最關心

乳峯雙峙

叱馭人懷保赤誠  
雙峯道上若爲明  
霧蒸石髓膏常

鳳凰山

于文選

無邊山色靄重重繡綴天然淡與濃  
小雨潤來金粟細野花香處碧雲封  
屏開萬障鋪新錦目斷千村隱暮鐘  
幾度揮毫描不就空畱鳳翥粲朝容

入漢陰界有感

張峻蹟

石巴隱士

二十年前此地過顧瞻猶是舊山河  
故人次第俱蟬脫獨對西風弔薜蘿

壬寅九月余山居構亭於鐵溪武進高眾偕來訪  
時清秋氣爽拉余遊爲搜遺山得一岩甚異人跡

丹行山門相訪空敲月却恨鈞天夢未成

朝陽古洞

王廷繡

紫氣何來映碧天  
巍哉獨立曉風前  
葵傾似欲披金鑑  
笏列還思漱玉泉  
銷盡寒光辭晚照  
得來紅日破蒼煙  
攀援莫作朱門比  
也遣白雲洞口眠

丹壁孤懸

西湖汪齡

誰染丹崖障碧流  
天然圖畫望中收  
攀蘿欲試登山屐  
鑿翠憑凌待月樓  
洞口煙霞橫古色  
江頭雲樹起新謳  
幾翻勒馬層坡下  
拾得清光豁倦眸



日逢君豈偶然寤而忘末二語一日忽躍然曰錫  
我嘉名全不謝分明踏破混沌天

挽友人鄭明輔

即聖時

斯人誰信遽淪亡搔首呼蒼果渺茫賦鳥未聞傳誼  
舍記樓奚自上雲鄉雖綿愧我乏高誼殫露何人不  
斷腸寄語九原應慰甚桂蘭他日定焚黃

太懸岩和友人汪若干招隱韻

鄭聖時

蘇門長嘯響流泉曠代逸民寄野屨覆地幽篁新照  
月參天老樹久忘年揮毫紙上驚雲起耽酒籬邊傍

罕到故無名眾偕名焉屬余爲詩以記之

汪毓珍

高子探奇踞石巔問山山老不知年歎奇古怪無人  
到偶來其上便成眠細鋪蒼苔爲錦褥何以蓋之上  
有天城郭俯瞰如蟻垤倏忽脚下湧雲煙翠屏疊嶂  
周帷外瑤草奇花遍榻前人間何處可安枕此石甬  
睡儘怡然壁立乾坤已久矣至今無得而稱焉高子  
大呼山靈聽我將名爾爲太懸

是夜夢一老吟一絕於庭曰千秋萬歲自忘年此

鐵骨風難偃水心月共悠至今寒井下麟淚不曾收

過鳳山

前人

曲水層巒一徑通鳳山霞氣靄長空曉雲幾處峯頭  
卧多少新苞映遠嵩

送汪父母

汪澤延

作牧誰畱去後思况逢此地更難爲三千戶口分離  
日五十書生送別時邑小新傳風俗好官貧久與世  
情宜可憐從此秦關去只見雲門道上碑

夏孀婦

前人



菊眠傾倒狂吟高士句  
價騰更貴洛陽箋

灌臺

尹任

廊外臺空徑就荒  
雨露草色自芬芳  
當年假使憑棹  
桔千載誰傳抱甕鄉

登鳳山絕頂

前人

層巒鼎峙插雲邊  
彷彿華山頂上蓮  
踏破芒鞋行欲  
盡也應搔首問青天

鄭烈女

鄭僑恭

正氣阿誰賦  
吾門巾幗晉名完  
夫可謝節重女同邱

羅煙高邱浮井從殘蹟草色常承玉露鮮

弔節婦尹氏

仲姑

尹伸

爲憐志節泪婆娑幾度挑燈著挽歌魂魄頓隨蝶夢  
散空餘孤月照煙蘿

贈邑侯石公

許又衡

世胄名閥出帝鄉代天宣化作循良無倦德心勤治  
道仁風一載遍安陽爲治何須治縣譜自饒奇績堪  
步武陽春到處燦桃花孔邇興歌今是古驥足原非  
百里才牛刀暫試斗城來心勞撫字催科緩竚見寒

廿年夫棄又家貧黃口兒郎白髮親茹蘖皆傳鄰里  
頌承甘未惹舅姑嘆霜鬟不墜晉天地水帶無塵泣  
鬼神聞道朝廷崇節義吾鄉巾幗肯沉淪

溫太孺人米蘖頌

前人

曾聞水蘖苦親見有傳人賦重田園薄家成機杼新  
雨憐烽火日不作亂離身鐵石心堪並霜操孰與倫  
遊龍泉菴

劉參

金碧時瞻絳節懸峻會飛閣聳雲邊平臨松檜遲三  
島氏度銀潢落九天夕照影浮琪樹月曉風香送六



賢侯治漢甫三年政績班班史可傳莫怪康衢人不  
識耕田鑿井忘堯天民事憂勤共苦樂無愆肅又徵  
時若逢年大有頻登書始信陽春果有脚漢境從來  
虎患多年來盡唱踏踏歌而今猶異宏農政豈是偶  
然北渡河何必催科甘下考蒲鞭不試樂熙皞輸將  
比戶羣爭先圉圉空靜盡生草人事無憑多轉移忽  
然反賦歸來辭才名應感天顏喜指日遷鶯預賀之  
今宵同人須盡醉明朝分手豈容易班荆何地再開  
樽復坐春風觀鳳侶

谷盡春回兩袖清風塵不染遠近懽騰咸戴感三千  
共樂寬以嚴高懸秦鏡照人胆十日一雨五日風羣  
沐堯天舜日中休徵應是人工兆澤遍南北自西東  
風規不讓范叔度福我窮黎來何暮巷舞途謠慶生  
佛食德飲和歌五袴聖朝虛左待平衡雅化風高達  
帝京此日甘棠方手植玉屏早卜書芳名

餞邑侯狄公

前人

君不見河陽花自今青史畱餘葩又不見峴山碑曠  
代如觀淚痕垂人生感德最綿亘成敗得失何足悲

仍稀驅車環視農夫苦婦饑男耕晚未歸

過漢陰

督學使者王

謨

重度雲門恰暮春採風敢道是勞臣山腰綠樹新甘  
雨馬首春山識故人幽谷蘭香偏拂路空江水靜本  
無塵三年景物皆如昨添得霜髭只自頻

遊平麓臺

邑令田華塤

可有懷秋興相邀綠野西平臺欣眺遠翠嶺接雲低  
歷落村居靜蕭疎古寺迷閒情何所寄共醉樂芳畦

過秦嶺

江南漂陽狄彛祥



雙乳

興安州王政義  
知州

一水中流曲雙峯夾岸晴氣融滋有象元定度無聲  
草木皆含意乾坤亦至情對山思在抱相勸育羣嬰  
養蠶說

細閱蠶工二十回前方未竟後方催休言山繭輕於  
錦半縷都從血汗來

過安陽

金州馬維健

水色山光繞四圍安陽城外覩餘暉龍岡曲作千層  
折鳳嶺高擎萬仞飛雨洒征塵禾始秀雲連驛路草

吹寒谷到處樂雍熙安陽土瘠半石留誰有恒產裕  
舊貲窮簷株守覺蚩蚩

天子命來良有司興利除弊日圖維廛念民情荒於  
嬉乃亟起而更甦之何以不寒復不饑衣食源流當  
調劑矧此地寶天降釐山行馬上望中彌油油櫬柞  
葉紛披不見檠繭枝上麗只餘青蔥慰詩脾因物付  
物盍念茲自然之利忍棄遺屬其耆老叮嚀辭毅然  
竟白上官知星言夙駕樹行麾遍歷原隰殫心治招  
集黔首諭場師芟除草萊施塗茨育蛾育卵須乘時

連山多草木曲徑在其巔出沒征夫騎霏微疊嶂煙  
纔從谿裏過又傍嶺頭旋遙指平原處山坡今夜眠

歸田作

泰和劉宗邑人

廊廟山林兩欲全那能有術學飛仙十年宦海猶驚  
魄再任官場惟聽天陣陣清風迎旅袂依依楊柳傍  
行肩安陽親友如相問曼倩奇踪意獨專

邑侯郝公勸養山蠶既有成效作歌紀之

王承烈

生之者眾聖經垂逸淫忘善詎所宜盛世化洽仁風



不磨尺幅天成澹雅姿爭羨大醇無小疵善政已教  
一斑窺古來循卓計未及賢邑伊始欣相隨矧看俗  
易與風移得人以治如抽推含哺鼓腹遍蒸藜從此  
窮鄉無怨咨男耕女織際春熙採風太史可登詩

春日遊南原

王承烈

散步南山下連阡一望平農桑安部屋歌管醉花城  
帶臘舒容柳乘春得意鶯夜遊饒有興結伴好登瀛

步元浦賞荷原韻

王承泰

元浦饒佳趣綠荷一鑑通葉翻鱗破浪花綻鳥啼空

初生微渺還如坻生機勃勃看蕃滋不落柔條浸湫  
涓斧戕寧伐遠楊枝飼蠶蠶如得玉飴漸移林杪高  
下差何庸執筐女祈祈或在中阿或峻屨疑是星羅  
疑布基稱貸不煩把券持春秋兩次無誤期澗蒲梁  
外藏纍纍蘭告厥成賴汝爲匠心經營自匪夷恍覩  
彌羅碧金絲表裏通瑩無支離厥筐可貢太液池比  
嗤後世類鳩鴉縲車軋軋不能施睥睨千古創新奇  
山原一切視皆絕有目共賞嘆曰嘻方諸魯齊亦近  
之此中樂利寧有涯知公長畱去後思何必解推功

雙乳山

刑部郎中陳 斐

山頭原是望夫身  
乳化雙峯狀亦真  
赤子方今饑渴甚  
願流百道哺吾民

雙乳奇峯

章 平

亂雲堆裏擁雙峯  
相峙纍纍與乳同  
紅入錦屏花簇簇  
青歸煙嶂草叢叢  
萬年特露生成意  
百姓寧知鞠育功  
盛世忝同民社寄  
慚無仁政亮天工

鶴冠碁砑

李大本

黃鶴白雲今已矣  
層巒怪石尚如此  
夕陽古道畱碁



清潔無塵染  
飴醴待曉風  
碧芳新釀就  
稱賞兕觥同

月水環帶

谷平湖

扶輿佳氣半南山  
月色淪漣水一灣  
玉葉輕盈浮玉帶  
銀波蕩漾瀉銀環  
靈光影動參差裏  
太乙風飄上下間  
試看紳垂封濬際  
夕陽斜處鳥關關

龍岡蟠踞

元氣如龍蟠  
太荒峯巒曲折古  
安陽環山戀戀懸珠  
遠出谷翩翩展翮  
長澗道泉流鱗甲動  
錦城花燦爛  
牙香縈迴直踞千秋脈  
際會風雲映日光

孤峯直與太虛齊極目終南萬嶺低風動松聲鳴古  
寨雨添嵐氣隱山溪黃龍杳杳靈湫在白草萋萋野  
寺迷遙指棲雲上下裏忽然天外聽鳴鷄

餞縣令狄公

許又將

望重儒林廊廟珍安陽雨化一時新身無媚骨能諧  
世胸有鴻文廣作人西土方欣瞻鶚表南溟忽爾起  
龍鱗育英本是高賢事况復聲名在

紫宸

其二

許又將

研安得仙人還落子

登擂鼓臺

李大本

棲仙勝地古畱名天外奇峯削不成  
石磴風搖松倒掛丹岩雲起日低擎  
身凌碧漢千山落日送浮雲萬里輕  
幽壑無聲春寂寂紅塵飛不到蓬瀛

春日遊朝陽洞

李大本

賸有尋芳意仙岩倏見招日華吞洞  
口春酒醉詩瓢坐覺雲門吼行看風  
磴搖向陽花早放天地一丹霄

登擂鼓臺

許又將



斷碣蝕風雨頽垣溷市廛阿誰革謏陋文藻動星躔

石門觀音閣

武進徐錫我

險阻復險阻何求到此方  
息肩投寶閣滅頂問慈航  
地窄圍天小山高出水長  
覺王應覺我用舍或行藏

去漢陰畱題

江南衛臣

撲面楊花初動時揮鞭東向漢陰辭  
青山不受雲霞障翠竹惟憑霜雪欺  
老去也耕還有硯歸來今鬢竟成絲  
此邦人士真多美悵望雙峯千里思

過昭烈廟

提學副使何景明

聖明

匹馬嘶風此日行  
點塵不染袖雙清  
千秋大業山林志  
一代真儒月旦評  
出處原來關命數  
經綸聊寄在師生  
離亭悵望迷煙柳  
特簡還期拜

遊鄴都山

許又將

寂寂靈山裏  
尋奇一徑中  
祥雲迷玉宇  
紫氣罩珠宮  
進步天台近  
凝神帝謂通  
絕巔憑眺處  
萬里見晴空

過故文昌宮

苟宏德

昔代崇禋祀  
龍岡絕頂傳  
祇緣兵燹後  
暫置翬宮前

仙中人宦於茲三年矣廉而惠百姓不忍欺以此  
訟日簡官有餘閒漢陰產故多竹復於園中伐竹  
爲亭爲棚爲廊覆以松毛中浚小池引灌園之泉  
注之旁爲小山雜植四時花木雖無飛閣流丹金  
碧琳瑯之壯而逶迤膜帶一如梅江指戲不事丹  
青勾勒而形神曲肖有天趣焉去秋今春余因公  
兩宿其中嘗流連不忍去梅江曰官閒俸薄無以  
爲園截竹以次布置每所費不及十貫創爲此稿  
以待來者將何以名之余應之曰足下以爲稿盍



漂泊依劉計間關入蜀身中原無社稷亂世有君臣  
峽路元通楚岷江不向秦空中一祠宇寂寞翠華春

九月十四日夜行

分守  
叅議劉光文

半月三翻過漢陰僕夫應笑我頻行深慚表率元疎  
謬辜負清秋好月明

己巳春日再宿福園題

并序

葉世倬

漢陰廳署東偏有隙三畝餘舊建聽雨山房三楹  
楹前蒔花木數株顏曰亦園其楹後則爲蔬圃吾  
友梅江錢君素工指墨及琴豐頤美髯望之如神

綠醽少鳥月湧一輪水呼童火速然  
縱復橫繁星滿地影瓏璽向北一岡臥龍形東西蜿蜒  
圖畫屏諸葛廬聯丈人亭蠟炬連旦光熒熒紅羅  
逾上百枝呈差池蝙蝠如流螢青獅白象天生成風  
虎雲龍交鬪爭迭奏楚曲撥秦箏鳴鐃撾鼓叩銀鉦  
煙火爆竹震軒楹旬旬畢剝掩歌聲樂哉今夕登蓬  
瀛天上人間一樣青不辭爲君浮巨觥渾忘老夫力  
不勝士女笑語喧沸騰羣祝主客壽康寧回憶去年  
方用兵羽書絡繹夢魂驚今夕何夕燈月明金吾放  
夜弛嚴更猗歟此邦多善人解衣推食能周貧以此

即以稿園名於是兩人拊掌大笑囑平利石蔥佩  
刺史書之並記以詩

亭臺總是此君成面面簷簷繞碧洪觴詠樂堪偕客  
共煙霞貪不礙官清舊時松菊存三徑轉眼鶯花望  
滿城記取使君畱畫本亦園漫易稿園名

乙亥上元日過漢陰

葉世倬

上元日過漢陰城燈馬兒童逐隊迎黃髮青衿爭出  
闌道旁獻頌賀元正主人投轄洵多情環翠軒中醉  
綠驢少馬月湧一輪冰呼童火速燃春燈焚膏千盞



賈虎旬龍喜客來客心自愧朽株材  
池亭清麗人如玉水木生香蓮未開

碧血如新坊落成有感

葉騰驤

妖狐鼯鼠跳縱橫金笳鐵騎鳴鏐鉦  
斷脰折臂等閒事凜凜浩氣千秋生  
黃昏雨黑熒熒空山戰血秋風羸精  
魂殺賊賊盡死珠宮碧瓦妥忠靈妥  
忠靈慰忠魄終南萬古日常白可憐  
長樂無顏色蒼頭邏卒輸丹誠笑擲  
一命鴻毛輕煙雲晦冥流泉咽髑髏  
啣荒郊鳴梅江通守心慘愴鳩工庀  
材建新坊闡幽

和氣百福臻比戶豐樂熙陽春我更有祝士女聽願  
爾年年慶太平

庚午仲夏過漢陰呈梅江通守 岳震川

使君疑是蘇和仲粉榜新書喜雨名閔雨正當端午  
後願聽終夜打荷聲

布置如斯非草草水心偏以稿園名

葉健菴太守作序有詩我

欲易名爲喜雨坡翁澤潤到蒼生

鍾情頗似周夫子愛此亭亭不染姿我宿亭邊清不

寤聽蛙直到曉星垂

刀肉斷鮮血來血肉淋漓襟袖裏雨蕭風颭聲悲哀  
長夜沉沉燈影碧呻吟僵臥眼花白支頤進藥雙淚  
垂酸聲喚轉泉臺魄肉不可醫誠可醫回生起死無  
他奇試看漢陰子孝子始信乾坤可轉移

春日登朝陽洞

葉騰驤

古洞何年鑿懸厓有路通綠垂蘿帶露翠漲麥翻風  
幡影飄雲際鐘聲落半空遠山青歷歷憑眺興無窮

至漢陰贈梅江通守

葉騰驤

訟簡官衙靜山深客至稀松風清入耳花露艷沾衣



直闡黃泉下搜羅烈魄名姓香薦以牲羞酌以酒醢  
風窸窸鳴林藪陰霾掃淨寰宇清惠政忠魂兩不朽

題漢陰子孝子傳後

葉騰驤

孝子守身如守玉全生全歸凜耻辱古聖煌煌千萬  
言狀體毀形每不足吁嗟蚩氓復何知生平不事書  
與詩黃扇萊衣動天性憂啼喜笑如嬰時何期二豎  
虐慈親但識有親不有身呼天籲帝天無門精誠直  
欲泣鬼神忽聞剗肉堪療疾手握利刃白如雪崔渾  
代死心自甘何況區區命未絕一刀乍割皮肉開兩

排難心常切綜繁性素純通商鐵石任石在嘉路課久虧代

筮仕歷嶠函雁集人初救鶚懷亂始戡索囊供浩浩  
轉運費潭潭武庫橐弓矢行間脫胄鉤度支籌正握  
司會議誰參局外推公預環中儼夙諳東西傳送遠梁

豫委源探江渚涉夔子淅川詢許男軍需旋就緒察案遽

弛擔

公來陝值軍需旁午以局外人眾推與議遠涉川豫備審供億程途遂得就緒

交薦封章奏酬庸

聖恩

湛貳車榮上佐右輔騁華驂亭雨思蘇判關雲說老

聃

散關乃尹喜望氣處

安陽軒甫駐寧陝亂仍餒鄰震烽狂熾疆

侵噬恣貪高墉增峻壁長鍛鍛鉅錠守共龍岡壯鋒

摧虎視耽

寧陝叛兵潛謀東畧且有內應

公增

傳城

琴韻來郊舍書聲出竹扉  
河陽塵不染吟咏樂天機

春日過漢陰登雙乳峯頂

葉騰驤

生平到處喜探奇  
絕巘憑臨興自馳  
佳句每從無意得  
壯懷何必有人知  
溪因雨後添新漲  
花爲春濃戀故枝  
極目天涯青不斷  
前途好景正相期

丙子九月漢陰小住呈梅江公祖董 詔

花治漢敖口棠陰周召南  
題輿瞻仲舉巡部得桓譚  
保姓大彭衍真王吳越覃  
鳩宗承衣錦卜宅向魚蠶

排難心常切綜繁性素耽  
通商徵石柱

石柱廳鉛課久虧代爲東通官前古



稿園十詠

歸義學

董詔

卅載曾經處重來景乍新  
逕交淇澳竹門護漆園椿  
何事尋三島於茲滌斛塵  
客堂掃陳榻喜聽雨聲春  
得半亭前憩疎櫺對綺寮  
蕉駢鸞尾合藤罨鷺驚翹  
領道平如砥折旋矩是橋  
壺中饒勝賞分道競相招  
花徑雕欄外高亭碣岸旁  
伏流響琴筑湍瀨送杯觴  
羹饜雙魚美醅沾九醞香  
渾忘森畫戟移興入滄浪  
倒影樓臺入冲融水一泓  
朱遑中止溯且作傍池行  
舫敞平汀畫弓枰射圃  
聲仙禽何處至擬向九皋鳴

氛幸滅卜稼潤難涵映留悲星在曉綳望乳舍觀民

凭小閣散賑啓精藍慮彼無恒產嗟來有抱慚閉門

樂衡泌叩戶饋瓶甌

連逢歉歲散賑平糶於署東北古寺凭稿園來青閣觀焉糧無冒領

人得實惠又念貧士不食嗟來遣役饋之

黌舍勗春誦奎樓矗曉嵐賓鄉秋

漸鶚展卷夜披蟬

設立書院膏火并以風水之說於龍岡初建奎樓自此連科書鄉人益奮志

耆舊傳編習缺遺官問郊郵筒勤寄驛古堠假乘籃

忘分時前席撫謙寵盍簪酒闌移晷語燭跋竟宵談

意愜琴流軫英飛劍扣鐔於茲逢國僑何處禮瞿曇

不替德音接焉知仁政甘曲中情未竭撫紙尚誦誦

九曲隨帆轉三山信櫂沿何來鏘玉佩龍口瀉絲泉  
自伴東山屐方知北苑工幾年吟畫裏今日入圖中  
漁者來非誤桃源別恨匆還期紅紫節棠蔭坐春風

碧血坊

董詔

敗類害善良如棟仆齧蠡偉哉節義人所惡甚於死  
清風式彛倫貞操光信史非藉搜揚力塵埋誰與洗  
賦得椿樹集仙禽

董詔

高岡賦囀啾朝陽歌萋萋昔人逢昌運託物致珍重  
何似官齋椿來儀青田種八千記春秋百尺瞻脩竦



水劃雙堤豁凌虛數板長躍淵觀發發投食聽堂堂  
花引洞然徑虹騫斟酌梁行間迷出入四顧笑茫茫  
巉巖石裏路引小方壺阿閣三層敞菊園萬眾趨  
授衣鶉結煥分稻雁羣呼誰信煙雲外登臨祇自娛  
桑蔭垂亭綠高臺映曉暉雉馴岐穗老絲嘔遠楊稀  
金谷擅邛壑平泉誇石磯豈知張魯績於此觀前徽  
水漲月臺麓津長風帶橋穀紋蹙波面磬折渡池腰  
奇石纏藤瘦名花傍砌嬌茅亭延好雨銀竹喜瀟瀟  
未極高深妙還浮三板船菱枯魚脫網荷盡水含天

碧血坊

王肅高

碧血歸何處坊垂儼若生小民知大義青史表丹誠  
玉瘞秦關險風揚漢水清古來忠烈事多是殺身成  
登鳳凰山頂并序

錢崑秀

乙亥春 健菴太守過漢命秀入山清查保甲

家嚴素戒秀等干預公事以爲不可太守曰如彼  
尚官江右豈不奉差辦事耶予可決其斷不僨事  
且有濟焉 家嚴勉從之先入南山過大茅壩登  
鳳凰山頂崎嶇陡險高峻難行幾同蜀道因成一

召棠同蔽芾社櫟異臃腫森然碧玉柯忽見白雲擁  
聲傳四野聞唳拂三霄動賓鴻慚慚陸言鳥羞出隴  
惟時棘闥開見此霜毛翬謂占貢藝客藥入狄公籠  
豈知在陰和家慶兆

天寵看歌大小馮好爵縻接踵

菩薩泉

安徽太湖生員

王肅高

臥龍岡上古龍泉共道壺中別有天爲澍爲霖雙美  
矣濯纓濯足兩茫然丈人甕裏清何極諸葛廬頭綠  
月二處皆與密窈珠垂深莫際春風吹入滿城煙



幾度尋幽歷勝區鬱葱佳氣近城隅  
泉聲噴澗聽偏韻草色籠煙淡欲無  
古樹夕陽明眼底小橋流水傍山隅  
龍岡好景知多少此亦蓬萊一畫圖

碧血如新坊告成賦以誌其事

錢崑秀

國家風化源忠節廉耻重民間  
轉移柄激揚先義勇敢匪滋擾  
時蜂蟻如雲擁櫓槍掃未盡蔓延  
蜀與隴漢陰當衝途山谷走羆  
羆烽煙驚四起萬井歎毒痛老  
弱不得息曉夜聞慘呼婦女激義  
忿不肯受其污賊至羣嗚咽捐軀  
真激烈浩氣吐長虹貞心皎冰雪大

律以誌之

臨晨登鳥道旭日照深叢竹短侵青鬢

香樟坪一帶多龍頭竹可作杖

巖危下紫驄煙霞飛足底鷄犬雜雲中對嶺隣親睦  
山陬雨露同

老君觀

錢崑秀

青鞋緩步草芊綿殿宇臨崖別有天鳳嶺籠煙迷遠  
樹月河如帶繞平田花開岩畔垂纓絡鳥奏枝頭弄  
管絃最是添人清絕處鐘聲响徹萬山巔

菩薩泉

錢崑秀

昭忠節烈祠設位題名氏捐廉建總坊通衢姓名揚  
差可慰泉壤播傳道路香垂久彰風化潛德發幽光  
碧血如新字萬古永流芳

鶴觀碁枰

歲貢 劉成珠

誰將楸局布山隈乘興飄然去不迴一鶴翩跹看縞  
素二仙杖履憶蓬萊棋敲箇箇爭先着壁立亭亭壓  
翠苔柯爛南山人有否遺踪憑弔白雲堆

鼓臺神峯

劉成珠

突兀關南第一峯鼓臺遺跡勝仙蹤根盤太乙摩雲



罵櫻白刃全節何決絕可憐殉難骸枝柱沙場月烈  
魄與忠魂清白名姓存吁嗟事已往父老猶泣言誰  
請卹賞典洗茲血淚痕軍書旁午時官吏無暇論凱  
奏班師後苦將成例守荒煙蔓草中碧血埋冤久徒  
有野老知竟莫記誰某家嚴守是邦引爲己之咎尋  
常有幽貞尚可邀

皇仁

秉義懷忠輩忍令就沉淪逐里細搜羅逢人頻諮詢  
男婦三十一均是草野民匹夫効忠義匹婦堅貞志  
一一事實方策頗奏記用以鼓羣黎且慰忠貞淚

樹蒼頭角紫紆青未了春雷震動看飛揚

登擂鼓臺步韻

尹廷瑛

秀出羣山罕與齊登臨一望白雲低  
風雷震動聞天鼓日月光搖映碧溪  
蓬島有緣畱客住桃源無路使人迷  
傳流最異蒲團草面壁高真養木雞

過古文昌宮故址

許逢熙

訪古談遺事殘碑字已磨森森柏尚植  
岌岌棟將拖起廢茲獨切崇文竟若何  
披荆尋舊址迤邐臥龍坡

朝陽洞

邱通理

卷之十一  
峻翠拔層巒帶霧濃疑入秦川窺太華似從瑤島望  
芙蓉久聞萬仞羅屏上倒掛蒼崖有碧松

鳳山羅屏

劉成珠

奇峯萬笏插天青鬱峴嶸溟映綺櫺一帶巒岼開錦  
障千層翠律列圍屏排雲古樹橫幽幹接岸名花發  
素馨鳳翽有光看歷歷高山仰止步林坰

臥龍盤踞

劉成珠

巉巖屈曲殿微疆宛折如龍勢欲翔脉自終南分遠  
幹山連太乙衍平岡鬱盤積翠高峯迴縣邈含輝碧



守新建同尋舊址看黃花香冉冉紅葉影珊珊  
前望忘機論不桀

青崖觀音殿

邱通理

名山咫尺景偏幽幾度臨池記夢遊  
見說青崖千疊嶂從知桐水一溪流  
風傳古洞梵音朗煙鎖琳宮紫氣浮  
擬向此中瞻法界靈巒髣髴是神洲

堰坪

邱通理

堰坪初極口山水有清暉桑柘開三徑  
松篁映四圍錦鱗衝岸出紫燕繞梁歸  
向暮尋征路餘霞傍馬飛

古蹟由來倚碧空，凌雲翠壁勢巃嵒。  
從疎林影落迴廊，外細草春深小洞中。  
輝映諸天初日照，嵐迷大地晚煙籠。  
悵懷高士今何在，漫擬丹邱此處逢。

九日龍岡登高

邱通理

雨餘佳氣愛重陽，霽後風光景倍良。  
正是龍山吹帽節，好看彭澤晚花香。  
朝陽洞外秋容淡，北極宮前野趣長。  
手把茱萸看不厭，迴環默誦少陵章。

行經灌臺

邱通理

歸來余轉曲行處，淖初乾恰值新亭建。  
亭名抱甕已夏海工通

得升斗食惠心歡然陰功從此積福德應綿綿

祖殿高峯

王維翰

信是仙源自有真臨高一望似離塵被毛應共蒼天  
老赤脚還宜碧漢新鐘磬上方驚雁陣琉璃空際徹  
星辰宛然身在重霄出彷彿青雲得路人

二姑仙洞

王維翰

古洞參差翠色籠仙姑高踞有神通簾垂絕壁雲何  
碍門鑿幽崖石可空座下蓮花迎夕照瓶中楊柳艷  
春風漫言地僻丹邱少一派晴煙鎖碧叢



龍岡懷古

許正

高陟岡巒上撥雲道眼開龍興畱梵宇甕抱餘荒臺  
魅息靈杳矣朝陽洞幽哉源源一勺水若個洗心來  
勸同人出粟濟貧歌

陳瑛

聖君急賑濟捐廉有清官屬在溫飽家何忍令饑寒倉內  
有餘粟囊內有餘錢富厚誰長久豐嗇亦時遷鄰里  
宜周卹解推古稱賢盡減此肥甘用濟波顛憐貧乏





春日遊菩薩泉

上元

吳沐

時年七十八歲

休將霜鬢歎年華  
策杖登臨興尚賒  
柳絮漫天飛白  
雪桃花隔水落紅霞  
懸厓結廬栽琪樹  
古洞流泉漾玉沙  
羨殺老僧塵不染  
蒲團淨室坐趺跏



